



Torah écrite (pentateuque) - Deutéronome

Chapitre 17

- 17,1 לא-תזבח ליהוה אלהיך שור ושה, אשר יהיה בו מום--כל, דבר כע: כי תועבת יהוה אלהיך, הוא. {ס}
- 17,2 כי-ימצא בקרבך באחד שעריך, אשר יהוה אלהיך נתן לך: איש או-אשה, אשר יעשה את-הכרע בעיני יהוה-אלהיך--לעבר ברייתו.
- 17,3 וילך, ויעבד אלהים אחרים, וישתחו, להם; ולשמש או לזרם, או לכל-צבא השמים--אשר לא-צויתי.
- 17,4 והגד-לך, ושמעת; ודרכת היטב--והנה אמת וכון הדבר, ונעשתה התועבה הזאת בישראל.
- 17,5 והוצאת את-האיש ההוא או את-האשה ההוא אשר עשו את-הדבר הכרע הזה, אל-שעריך--את-האיש, או את-האשה; וסקלתם באבנים, ומתו.
- 17,6 על-פי שנים עדים, או שלשה עדים--יומת המת: לא יומת, על-פי עד אחד.
- 17,7 יד העדים תהיה-בו בראשנה, להמיתו, ויד כל-העם, באחרונה; ובערת הכרע, מקרבך. {פ}
- 17,8 כי יפלא ממך דבר למשפט, בין-דם לדם בין-דין לדין ובינו גנע לגנע--דברי ריבת, בשעריך: וקמת ועלית--אל-המקום, אשר יבחר יהוה אלהיך בו.
- 17,9 ובאת, אל-הכהנים הלויים, ואל-השפט, אשר יהיה בימים ההם; ודרכת והגידו לך, את דבר המשפט.
- 17,10 ועשית, על-פי הדבר אשר יגידו לך, מן-המקום ההוא, אשר יבחר יהוה; ושמרת לעשות, ככל אשר יורוך.
- 17,11 על-פי התורה אשר יורוך, ועל-המשפט אשר יאמרו לך--תעשה: לא תסור, מן-הדבר אשר יגידו לך--ימין ושמאל.
- 17,12 והאיש אשר יעשה בזדון, לבלתי שמע אל-הכהן העומד לשרת שם את-יהוה אלהיך, או, אל-השפט--ומת האיש ההוא, ובערת הכרע מישראל.
- 17,13 וכל-העם, ישמעו ויראו; ולא יזידון, עוד. {ס}
- 17,14 כי-תבא אל-הארץ, אשר יהוה אלהיך נתן לך, וירשתה, וישבתה בה; ואמרת, אשימה עלי מלך, ככל-הגוים, אשר סביבתי.
- 17,15 שום תשים עליך מלך, אשר יבחר יהוה אלהיך בו: מקרב אחיך, תשים עליך מלך--לא תוכל לתת עליך איש זכרי, אשר לא-אחיך הוא.
- 17,16 רק, לא-ירבה-לו סוסים, ולא-ישיב את-העם מצרימה, למען הרבות סוס; ויהוה, אמר לכם, לא תספון לשוב בדרך הזה, עוד.
- 17,17 ולא-ירבה-לו נשים, ולא-יסור לבבו; וכסף וזהב, לא-ירבה-לו מאד.
- 17,18 ויהי כשבתו, על כסא ממלכתו--וכתב לו את-משנה התורה הזאת, על-ספר, מלפני, הכהנים הלויים.
- 17,19 והיתה עמו, וקרא בו כל-ימי חייו--למען ילמד, ליראה את-יהוה אלהיו, לשמר את-כל-דברי התורה הזאת, ואת-החקים האלה, לעשתם.
- 17,20 לבלתי רום לבבו מאחיו, ולבלתי סור מן-המצוה ימין ושמאל--למען יאריך ימים על-ממלכתו הוא ויבניו, בקרב ישראלי. {ס}



Voyons plus clair

Une mise en perspective des grandes thématiques de l'actualité à la lueur de l'érudition juive véritable.

Commandez : Tel. (Fr) : +33.1.80.91.62.91 - (Isr) : +972.77.466.03.32 - www.torah-box.com/editions